



S. Ioannes Nepomucenus
Confessarij et Eleemosynarij Reginae Iohannae

14-36-A-44

VITA ET MORS
D I V I
JOANNIS
NEPOMUCENI,


Regni Bohemiæ Thau-
maturgi, Patroni de fama peri-
clitantium, ex probatis Authori-
bus succinctè conscripta, &
typis vulgata,

Per


WENCESLAUM
ANDREAM MACARIUM
DE MERFELITZ,

S.S. Theologiæ Doctorem,
S. Metropol: Pragens: Ecclesiæ
sancti VITI Mart: Scholasticum, &
Cancellarium, Ecclesiasten, & Archi-
Episcopalis Consistorij Seniore,
Assessorem, &c.

Permissu Superiorum



PRAGÆ, Typis Univ: Carolo-Ferd,
in Collegio Soc: Jesu, ad S. Clem: 1684.




LECTOREM.

BEatus Joannes , à Patria
cognominatus Nepomocenus vel
Nepomucensis, in sancta Metropolit:
Prag: Ecclesia Divi Viti M. ab Ipso
met Christo Domino consecrata, hu-
matus, fuit ejusdem S. Ecclesiae Cano-
nicus & Ecclesiastes, Collegiatae Re-
giae Capellae in Castro Pragensi ad o-
mnes sanctos Decanus, Joannae Im-
peratricis, Venceslai Regis ac Cesa-
ris cognomento Pigri, Conjugi à con-
fessionibus & Eleemosinis: Philoso-
phiae, Theologiae, Canonum & Decre-
torum Doctor Eximius, eò quòd ea,
quae pro Sacro Tribunali apud Ipsum
Imperatrix paenitens sub sigillo sacra-
mentali deposuerat, nollit ullo modo
sacrilego Imperatori nec ante, nec post
torturam manifestare, noctu, latenter,
ex ponte Prageno in praterlabentem

4
Muldavam precipitatus & submer-
sus An: D. 1383. die 16. Maij, in Per-
vigilio Ascensionis Domini, &c. Ab
eo tempore miraculis clarus, continuè
absque interruptione colitur cultu pu-
blico ab imis & summis, pro Sancto
& vero Martyre Regni Bohemiæ
Thaumaturgo, nec non speciali Pa-
trono de fama ac honore pericli-
tantium. Quæ singula, benevolus Le-
ctor, ex sequentibus intelliget.

Quemadmodum autem, omnia ex
probatis & authenticis Authoribus,
partim impressis, partim manuscriptis,
extraxi, in compendiũq; succinctum
collegi, adeò, ut nihil de meo addide-
rim; ita pariter, ea omnia, & singula,
in sensu ab Urbano VIII. Papa, die 13.
Martij An: 1625. emanati Decreti,
& postmodum die 5. Julij 1635. con-
firmati, ac rursus die 5. Julij A. 1641.
declarati, accipio, atque accipi volo.

In



IN Regno Bohe-
miae , Oppido *Nepo-*
muk nuncupato , ma-
gnis decem milliari-
bus Pragâ , Bavariam
versùs , distante , sub

Monte Viridi, ideo, sic , dicto, quòd S.
Adalbertus , Episcopus II. Pragensis ,
Româ rediens, eo in loco pluviam desi-
deratam (quæ universæ Bohemiae per
continuos annos sex & ampliùs de cœ-
lo negata fuit, quàm diu nimirum S. E-
piscopus absuit) fusis ad DEUM pre-
cibus, ac data S. benedictione impetra-
verit primùmque hunc montem, dein-
de totam Bohemiam gratissimo herba-
rum virore recreaverit ; à pietate con-
spicui conjuges (nomina ipsorum re-
sciri non possunt) usque ad proVectam
A 3 ætatem.

ætatem matrimonialiter sibi cohabitando pervenerunt, nullam tamen prolem, eò quòd essent steriles, habere potuerunt, demum ad *DElparam Mariam* factò votò, in senectute, filium obtinuerunt, & hunc *Joannem* vocârunt; Quis & quantus puer iste esset futurus, cœlum non celavit: ipso enim nascente, videbantur flammæ de cœlo descendere, quæ innocenti atque amabili luce, gratissimò oppidanis spectaculò, domum in qua Joannes nascebatur, circumfuderunt. Vix natus fuit, in gravem febrem incidit: cœlestem puellum cœlum mundo invidere, vel cœlites in cœlo habere voluisse videbantur; Optimi Parentes novò emissò votò & oblatis in reliquam ætatem *DEO & Ejus Matri* obsequijs impetrârunt, quòd Joānes convaluerit, nullus dubito, Mater Christi, quem paulò antè creavit, eundem etiam recreavit.

Naturam bonam nactus, ut primùm per ætatem loqui potuit, formulam ministrandi Missæ sacrificio addidicit, atque

atque motu proprio, cum prima auro-
ra, ex oppido, ad vicinum Cisterciense
Cœnobium, decurrebat, ibidémque in
Ecclesia Beatissimæ Virginis MARIÆ,
per cuius gratiam, se natum & rena-
tum sciebat, omnibus missam celebra-
ntibus, devotè ministrabat, plusquam
*Samuel hìc est qui ministrabat antè fa-
ciem Domini:* ea præterea futuræ sancti-
tatis specimina præsefererebat, ut facilè
quisque, colligere potuerit, quia *ma-
gnus coram Domino vocabitur.*

Zatecij absolutis cum laude huma-
nioribus studijs, Pragensem ad Univer-
sitatem, non ità pridem à Carolo IV.
erectam, se contulit, in hac adeò pro-
fecit ut consentientibus votis, Theolo-
giæ, Canonum, & Decretorum Do-
ctor fuerit formatus Eximius. *Qui docti
fuerint fulgebunt quasi splendor firma-
menti, & qui ad justitiã erudiunt multos
quasi stellæ in perpetuas æternitates: &
qui fecerit & docuerit magnus vocabitur
in regno cœlorum, sacræ inquit pagina.*
Omnium enim inquit S. Dionysius,

norum Divinissimum, est DEO cooperari
 in salute animarum: ac ut habet V. Beda
 quæ gratia sublimior, & DEO gloriosior
 conversatio esse potest, quàm illius, qui
 quotidianò exercitiò alios ad Auctoris sui
 gratiam studet convertere, & crebra a-
 nimarum acquisitione gaudium Patris
 cœlestis semper augere? Nullum Omni-
 potenti DEO tale est sacrificium, quale est
 zelus animarum, inquit Greg. hæc at-
 tendens Doctor Joannes & ratus se mis-
 sum propter eos, qui hereditatem salutis
 capient, factus Presbyter, Vetro-Pragæ
 in Basilica Beatissimæ Virginis MAR-
 ante Lætam Curiam, vocatus ut Aaron
 curam animarum suscepit, semper eni-
 tebatur vel maximè Evangeliorum tra-
 ctatibus, fidei & scientiæ incrementa
 præstare, ut possent credentes ad repro-
 missum regnum pervenire, hoc ipsius
 & operis, quotidianum votum, nego-
 tiū inque erat. Conversatio illius quasi
 in specula posita, erat Magistra publica
 disciplinæ, & exemplum fidelium quod
 infirmum erat consolidavit, quod agro-
 tum

*tum erat sanavit, quod confractum erat
alligavit, quod abjectum fuit reduxit,
quod perierat quasivit: lex veritatis fuit
in ore ejus, & multos ab iniquitate a-
vertit.*

*Huic servo bono& fideli, quem con-
stituit Dominus, super familiam suam
ut det illis in tempore cibum, imprimis
Joannes Imperator, Episcopatum Li-
tomisslensem tum vacantem, & dein-
de Wenceslaus IV. Imperator, ante-
quam dumtaxat in profundum malo-
rum venisset, Præposituram Wische-
hradensem offerebat. Fuit autem Præ-
positi Wischehradensis dignitas eo
tempore par primis; Princeps Regni,
& Cancellarius, primus post Pragen-
sem Archi-Episcopum Regni Prima-
tem Præpositus Wischehradensis ha-
bebatur, illius proventus annui ad o-
ctuaginta millia florenorum Ungari-
corum ascendebant, quæ summa in mo-
neta nostra alterum tantum conficeret.
Verùm Joannis modestissimi, mode-
stia, non potuit expugnari ad admit-
tendos*

tendos eos honores. Vendicavit hunc sibi, Capella Regia, in Castro Prageno ad omnes SS. in Decanum, & sancta Metropolitana Ecclesia Divi VITI M. in Canonicum ac Ecclesiasten Eximium. Notandum hîc, qui (*Germania delictum, viridarium & coronam*), verba sunt Caspari Dornavij lib. de Princip: Juvent:) Regnum Bohemiæ florentissimum, frumenti omnigeni, auri, argenti metalli, piscium, avium, unionum, margaritarum, omnis denique boni feracissimum sub Carolo IV. verè *Patre Patri* vidisset, quemdam Terrestrè Paradisum & vicinarum provinciarum horreum amplissimum (& propterea ipsarum communiter *Mater* nuncupabatur) vidisset. *Terra Boëmorum, terra jucunda, fecunda & sana, habet pinguem glebam, sanam auram, homines fortes & ingenuos. &c. inquit Hilarius Decan⁹ Prag: Bohemia inclytum Regnum quod hominum proceritate ac numero, armorum usu, divitiarum copiâ & splendore, rerumque omnium abundantia, nulli unquam*

quam cessit Regno quondam : ità testatur
Jodocus Dec. lib. 2. de vetust. Polon. Bo-
hemia ad plagam Orientalem iuxta Ger-
maniam posita in Europa , quæ à monti-
bus maximis & sylvis densissimis & altis
undique circumsepta , à Germania &
Pannonia & nationibus alijs per montes
sylvas , & flumina est divisa. Est au-
tem Regio montium altitudine in pluri-
bus sui partibus valdè firma. camporum
& pratorum planitie conspicua, facie cali
saluberrima, gleba fertilissima, in vine-
is abundans & annona, in auro, argen-
to, stanno & ceteris metallis ditissima,
fontibus & fluvijs irrigua ; nam terram
irrigat Alba fluvius nobilissimus, qui in
montibus oritur Boëmorum, similiter &
Mulda qui præterfluit Pragam Regiam
Civitatem. Hæc terra circuitur ex par-
te Euri Aquilonaris Poloniâ, ex parte
verò meridiei, Austriâ, ex parte Occi-
dentis Bavariâ Germanicâ & Misnensi
Marchiâ circumdatur, & ambitur. huc-
usque scribit Bartholomæus Angl. lib. 15,
c. 30. Anno 1492.

Fides Catholica, & Evangelica disciplina in Bohemia hactenus summa veneratione, & excellentissima devotione colebatur, inquit Martinus V. in Ep. ad Bohem: Constantia 8. Calend: April: 1418. Olim erant tempora felicia in Bohemia, quibus integra & incorrupta fides in Regno vigeat: Religio Christi super cunctos præfulgebat; charitas ubique feruebat, & veritas, & pietas, radios suos undique effundeat, plusquam in modum sponsæ venustissimæ, virtutum candoribus præpollebat, & pietate & honestate Regna reliqua præcellebat. Ità M. Joan: de Przibram apud Cochl. lib. 6. Hussitar: scribebat circa Anno 1430.

Pius II. Papa in hist. Bohemiæ c. 36. ad Alphonsum Magnum Arragonum Regem de Veteri Boëmia ità scribit. Nullum ego Regnum etate nostra in tota Europa tam frequentibus, tam angustis, tam ornatis Templis dicatum fuisse, quàm Boëmiam, reor. Tempia in cælum erecta longitudine atque amplitudine mirabili, fornicibus tegebantur lapideis. Altaria

in sublimi posita aurô & argentô, quô SS. Reliquiæ tegebantur onusta, Sacerdotum vestes margaritis textæ, ornatus omnis dives, pretiosa supellex, fenestræ altæ atque amplissima conspicuô vitrô & admirabili opere lucem præbente, neque hæc tantùm in oppidis atque urbibus, sed in villis quoque admirari licebat. & cap. 38. ait: non se aliam provinciam scire, quæ plures Christi Martyres ijs sæculis tulerit. nec, meâ sententiâ, verba sunt ejusdem, Regnum ullum est, in quo a vo nostro tot mutationes, tot bella, tot strages, tot miracula emerferint quot Bohe-mia nobis ostendit.

Idem Pius II. in literis Apostolicis 17. Julij An: 1463. datis ità habet: in illo inclyto Bohemiæ Regno hæretici magnos motus excitârunt, &c. Proceres tamen & Nobiles in ipso Regno, & Civitates pleraque sanctissimè in fide permanserunt; ità ut, quamvis Armata hæresis, fidelibus vim facere statuisset, atque adversus eos arma movisset, nunquam tamen ab Evangelij veritate, sanctorumque

Patrum doctrina & Romana Ecclesia obedientia divelli potuerint, potiùs occumbere, ac omnibus tormentorum generibus affici, quàm illorum insania consentire voluissent, ità ut, multos Martyres nostra ætas in Bohemia (Nuntius in ea erat Apostolicus) viderit.

De Pragensis Metrop: Ecclesiæ, Prælati & Canonicis, ceterisque Ministris sequentibus scribit: prælati, Canonici, ceterique Ecclesiæ Metrop: Prag: Ministri, totò illò (Wiclefistarum & Hussitarum) annorum quatuordecim spatio, quò Regnum Boëmiæ cujusvis etiam sceleratissimi injurijs expositum, dirò atque atroci flagrabat bellò, multique pessimo servilique genere ac fece hominum collecti, ideòque licentiâ effrenes palàm in sacra & profana sæviebant impunè cuncta rapinis, ferrò & igne permiscentes, nuspiam in patria tuti, sed per varia dispersi, casibus & infortunijs multis jactati, exules, egentes, vagi, calamitates & misérias ingentes pertulerunt, imò pro sanctissima Religione fidèque Catholica multi

*ca multi, ferrô concîdi , flammis extingui
atque alijs tormentis crudeliter se trucidari
permiserunt.*

Regni hujus Triurbs Pragenâ, Metropolis habetur , in hac Caput & Mater reliquarum Ecclesiarum, est Divi M. VITI *sancta Ecclesia* An: D. 935. â sancto Martyre Wenceslao Bohemiæ I. Rege fundata , à Boleslao Pio in Cathedralē sublimata , â Spitihnevo II. ampliata, â Borzivvoio II. amplissimô Lætæ Curiaë teloniô alijsque redditibus annuis dotata; â Wladislao & Ottogaris Regibus maximis gratijs , privilegijs , exemptionibus , libertatibus , immunitatibus prærogativis munita : â Carolo IV. unicè amata , in Metropolitanam evecta, innumeris , rarissimis , pretiosissimis, sanctissimisquæ Reliquijs (quas Rex pijsimus , de civitate in civitatē , de monasterio ad monasterium, de Regno in Regnum pergendo , diligentissimè acquisivit & impetravit) exornata; ab eodem , Regiâ sanè magnificentiâ in eum splendorem , in quo
illam

illam hodiéque spectamus , unà cum
 duodecim in circuitu adjectis sacellis ,
 deducta, novísque Canonicis ac Mini-
 stris , proventibus , bonis , ditionibus ,
 ab omni potestate, jurisdictione, foróq;
 laico, in perpetuum exemptis, cumula-
 ta , adeò ut illius , unus Archi-Epíscopus ,
 quotannis centum aureorum
 millia , & tantundem Capitulum cum
 ceteris Ecclesiæ Ministris perciperet :
 à Ferdinando I. post incendium Anni
 1541. restaurata; à Ferdinando II. è po-
 testate hæreticorum erepta , & quoad
 omnia privilegia confirmata ; à Ferdi-
 nando III. Amantissimo ejusdem Eccle-
 siæ Cultore, (nisi mors , nunquam satis
 deploranda, ipsum sicuti & ipsius opti-
 mæ spei Filium , Ferd: IV. heu nimis
 citò abstulisset) instauranda. Exstat
 antiquum vaticinium , Authore Libelli
De judicio gravi à domo DEI ; editi, ty-
 pis Universit: Prag: illum Principem ,
 Ecclesiam S. Sophiæ Constantinopoli
 recuperaturum & Orientis Imperium
 Occidentali adjuncturum , qui Prage-
 nam

nam Ecclesiam splendori suo est restitutus: vaticinium hoc, utinam in August: LEOPOLDO impleatur! quo facto, implebuntur, cum Ferdinandi II. Avitum etiam Ferdinandi I. Abavi ejusdem, pie cogitata. (Hi enim ambo sacratissimi ac simul pientissimi, & Ecclesiæ amantissimi Imperatores postliminò Ecclesiam sanctam pristino splendori restituere cogitabant) & demum ad æternam gloriam applaudetur: *plus quàm Salomon est LEOPOLDUS*, anagrammaticè, *pello duos.*

Erant autem olim penes hanc Ecclesiam Divi Viti, Archi-Episcopus, 4. Prælati, Præpositus, Decanus, Archidiaconus, Scholasticus simul & Cancellarius Capituli, Canonici 36. Custos Tumbarius S. Wenceslai, Subtumbarius ejusdem; Tumbarius S. Adalberti & Subtumbarius Sacristanus, Vicarij Prælatorum & Canonorum 34. Altaristæ 52. Director fabricæ, Divisores 2. inspector bonorum Capitulariū, quæ amplissima erant, Concionatores

tores 2. Boëmicus & Germanicus, Pœnitentiarij 4. Præcentor, Mansionarij 24. quorum 12. Presbyteri, Diaconi 6. Subdiaconi 6. Psalteristæ 24. Hebdomadarij 4. ultra & extranumerarij Presbyteri, qui absentium vices supplebant 24. Choralistæ 30. omnes Clerici, Bonifantes, qui horas B. V. M. cantabant 12. Præfectus Bonifantum. Matronæ honestæ, quæ pallas & albas dissolutas consuebant, & lavabant, Ecclesiam purgabant, infirmis deserviebant & Divinis interesse semper debebant 12. Rectores bonorum capitularium 4. & Vicarij illorum 4. Capellarij 4. Ministrantes 2. Organista cum famulo, Thuroferarij 2. Ceroferarij & Versiculantes 4. Campanatores 2. & Socij ipsorum, Scholares 12. Magister in Theologia, Magister scholæ, Cantor scholæ, Cântores & Musici quàm plurimi, Syndicus Capituli & Notarius publicus, Cursores 2. Per recensitos Ecclesiæ Ministros, diu notûque, continuè in Ecclesia Laudes DEO decantabantur, exindèque patet quan-

quanta Majestas, gloria, & decus fuerit hujus Ecclesiæ Metropolitanæ quæ à Divinis gratijs miraculis, prodigijs, revelationibus, visionibus, Viris Ecclesiasticis, vitæ integritate & sanctimonia, etiam martyriò claris, multitudine peregrinorum ad honorandas SS. Reliquias tam copiosè affluentium, ut quandoque unica die centum millia numerarentur, est illustrissima etiamnum, proptereaque ab immemorabili tempore, *sancta* Ecclesia nuncupatur: Hanc ipsemet Christus Dominus benedicere & consecrare dignatus est, & erga ipsam **DEUS** Specialem amorem ostendit, dum toto illo infandæ hæreseos tempore, nimirum ab Anno Christi millesimo quadringentesimo decimo, ad usque Annum 1620. per Boëmiam regnantis, imò veriùs sævientis & omnia lûsque deque miscantis, residuasque temporum injurias, illam & illius sacrum sanctorum Pignorum Thesaurum *penè integrum*, auro, argento ac gemmis, quibus à Carolo IV. exorna-

tus fuit, sed sub Sigismundo expoliatus; exceptis; ad nostra usque tempora conservavit in ipsiusque sacrilegos profanatores non semel severissimè animadvertit; propterea abiit postea apud Pragenses in proverbium: *qui Templum S. Viti destruit, facile sibi viam ad infernum struit.*

Hujus sanctæ Ecclesiæ Archi-Episcopus est S. R. I. Princeps, Regni Primas, S. Sedis Apostolicæ Legatus natus, Universitatis Carolo-Ferdinandæ Prag. perpetuus Cancellarius, &c. Capituli, sicuti & ejusdem Ecclesiæ Metrop. Prag: *privilegia omnia & singula; gratias, libertates, immunitates, statuta, bona & possessiones, indulta & jura, universa, à Prædecessoribus suis Bohemiæ Regibus & Ducibus concessa, ratificavit, approbavit, innovavit, & confirmavit, de dato Viennæ An: 1626. Calend: Aprilis Ferd: II. In statutis verò Capituli, sub titulo: De potestate Capituli Prag: in Elect: formalia & expressa habentur sequentia: profitemur enim, quòd*
Ecclesia

Ecclesiâ Pragensi, destitutâ Pastore, sicut etiam Prælaturis de Capitulo, videlicet: Præpositurâ, Decanatu, Archidiaconatu Pragensi, ac Scholasteria vacantibus, Capitulum possit, liberè, eligere, de Ecclesia, vel extrâ, Personas idoneas, quas honori & utilitati Ecclesiæ, melius noverit profuturas, quæ Prælaturis præficiantur jam dictis. Eligit etiam Capitulum ipsum, personas idoneas in Canonicos ad præbendas vacantes, Confert Officia omnia & Altaria in Ecclesia, &c. Idem Capitulum Metropolitanum decoratū existit titulô Fidelis Capituli, ob rationē, quia DEO, Ecclesiæ, S. Sedi Apostolicæ, legitimis Principibus, Bohemiæ Regibus, Imperatoribus, atque Patriæ, in omnibus semper constantissimè fidem integerrimè servavit: non civium ardor prava jubentium, non vultus instantis tyranni (hæresis) nec bonorum direptiones, exilia, probra aliâque millena incommoda & persecutionum procellæ, nec vincula, carceres, mortes denique apud cordatos, & in Apostolicæ confessionis Petra

Petra solidatos quidpiam valuêre. Omnes in candore Religionis Catholicæ, Sedis Apostolicæ observantia, & suorum quoque fide integerrima Regum, Cæsarum, veluti Marpesia cautes imoti perstiterunt Capitulares, remque Catholicam, ne ab impia hæresi penitus extirparetur, Pragæ, & per Regnum, sede Archi-Episcopali per centum & penè quadraginta annos vacante, & per Capitulum, seu Capitulares administratâ singulari animorum fortitudine & pietate conservaverunt, & deinceps ex exilijs per Ferdinandum II. obtentâ in albo monte, die 10. Novembris An: 1620. de Rebellibus hæreticis memorabili & verè miraculosa victoria, revocati, omnibus modis promoverunt.

Propterea Alex: II. Innoc: III. Honorius II. Greg: IX. Clemens VI. Urbanus V. Bonifacius IX. Martinus V. Calistus III. Pius II. Paulus II. Sixtus IV. Innoc: VIII. Leo X. Clemens VIII. alijque summi Pontifices. Idem Capitulum specialibus gratijs quàm plurimis exornârunt. Bulla

Bulla Urbani V. de Indulgentia Apostolica concessit, quando Archi. Episcopus celebrat, sive in Pragensi Ecclesia, sive in alijs suæ jurisdictioni, etiam quâ Legato Nato subjectis, quòd duo Canonici, in officijs, Diaconatûs & Subdiaconatûs concelebrantes, infulis albis uti possint. Et alia, quando Decanus Pragensis Ecclesiæ vel Canonici quiscunque Missam celebrat in eadem Ecclesia, quòd tam celebrans quàm Ministri duo concelebrantes, Diaconus nempe & Subdiaconus Canonici, quoque uti possint, huiusmodi infulis albis. Bulla Bonificij IX. quòd Prælati & Canonici Ecclesiæ Pragensis, omnes & singuli, in Majoribus & quætrorum Ecclesiæ suæ festivitibus, dum missam celebrant, mitris Pontificalibus gemmatis, & aurifris uti possint. & infra:

Bulla Sixti IV. quòd Prælati Ecclesiæ (in Statutis Capituli, Columnæ Ecclesiæ nuncupantur) nempe, Præpositus, Decanus Archidiaconus, Scholasticus

sticus (qui simul est Cancellarius) ubique, per Diœcesim Pragensem, & alibi salutatio loci Ordinatio, in Missarum, & aliorum Divinorum Officiorum solennijs, Mitra, Annulo, Baculo & alijs Pontificalibus insignijs uti possint, idque perpetuis futuris temporibus. Alia Eiusdem; ut dicti Prælati Calices, & patenas consecrare, campanasq; benedicere possint ad decennium.

Alia: Ut post Missæ sacrificium, etiam si pontificalibus non utantur propter ministrorum defectum, solennem benedictionem populo præsentis imperitiri tam Prælati quàm Canonici possint &c. &c. complures alias prærogativas & gratias Capitulo diversis temporibus collatas brevitatis causâ non recenseo. Indulgentias plurimas plenarias etiam per modum Jubilæi, sibi concessas, habet hæc sancta Ecclesia.

Verùm ex suis amplissimis ditionibus & bonis terrestribus, annuis redditibus, quibus per impiam hæresim injuriosissimè exuta & spoliata est, usq; modo

dò vix umbram recuperavit: hinc Ecclesia pauper, quæ, quondam centenis Ministris (diurnum & nocturnum chorum habentibus) decorata, erat hodie solummodo gaudet Celsissimo & Reverendissimo Archi-Episcopo, Præatis 4. Canonicis 4. Parocho seu Sacristano 1. Vicaristis 4. Altaristis 7. Musicis 26. Choralistis 6. Capellarijs 2. Syndico 1. Capitaneo 1. Notario 1. Ministri 1. Bonifantibus 6. Curse, &c. Prælati & Canonici, ipsimet per se, & non per Vicarios, semper, Boëmicè, & Germanicè, concionantur, reliquasque functiones (sunt autem plurimæ & frequentissimæ) persolvunt. Recensiti pauculi Ecclesiæ Ministri, & ipsa etiam Ecclesia sancta, habent & venerantur Benefactores *Augustissimos, Serenissimos, Eminentissimos, Celsissimos, Excellentissimos Reverendissimos, Illustrissimos*, quorum omniū, memoria est in benedictione, inter hos, suam specialem fundationem habent, Familia Martinicziana, Waldsteiniana, Lobkovi-

B

cziana,

cziana ; Berkiana , Wrzezwecziana ,
 Sternberkiana , Wratislaviana , Kolo-
 wratiana , Czerniniana , Rziczani-
 ana ; Antonius & Martinus Archi-Episcopi
 Prag: Henricus Scribonius , Georgius
 Pontanus , Joannes Rasch , Præpositi
 Prag: Andreas Kocker , Casparus Ar-
 senius , Martinus Pfeiffer / Sebastianus
 Zbraslawski Decani Prag: Bartholo-
 mæus Flaxius , Joannes Przesticzki ,
 Georgius Kleblot , Michaël Crusius ,
 Archidiaconi Prag:

Joannes Zak , Wenceslaus Frem-
 berg , Daniel Nastaupil , Wenceslaus
 Wikroczil , Wenceslaus à Kumberg ,
 Canonici Prag: Wenceslaus Franc:
 Cœlestinus à Blumenberg , Præposi-
 tus Prag: sanctam Annam & SS. Pa-
 tronos Ecclesiæ Prag: Hæredes nomi-
 navit, fundavit duos Choralistas & qua-
 vis hebdomadâ unum legendum, Die
 verò S. Annæ cantandum sacrum.

Thomas Pessina à Czechorod Epi-
 scopus Samandriensis & Decanus Prag:
 per ultimam voluntatem sanctam Prag:
 Eccle-

Ecclesiã Hæredem instituit, legavit PP. Ord: Eremitarum S. Pauli primi (quos in Regnum Boëmiæ induxit) bonum pretij viginti millium flor: & totam suam Bibliothecam, ac præterea in parata moneta decem millia florenorum. In Ecclesia Metrop: Prag: fundavit duos Altaristas & Anniversarium. Residuum suæ substantiæ, solutis Legatis, in Ornatus Ecclesiæ, & SS. Reliquiarum, convertendum, ordinavit.

Josephus Macarius de Merselitz SS. Theologiæ & J. U. Doctor, Comes Palatinus, Eminentissimi Cardinalis ab Harrach, Archi-Episcopi Prag: Vicarius Generalis in spiritualibus & Officialis, in Castro Prag: ad omnes Sanctos & S. Viti Decanus, Lissovio oriundus, magnus Patruus meus, universam suam substantiam, quam DEUS ipsi benedixit, per ultimam voluntatem de An: D. 1633. die 11. Aprilis, ad pias causas destinavit, constituit Novæ-Domi duplicem foundationem, unam pro loci Ptæposito, alteram pro suis amicis,

B 2 & ipsis

& ipsis deficientibus, Patriotis Liffovi-
ensibus, ut unus ex illis continuè, in
Seminario Novæ-Domi victum & a-
miectum habeat, & studeat. Alia ipsius
fundatio extat Liffovij, alia Boëm: Bud-
vicij, alia in Căstro-Prag: ad S. Geor-
gium; alia ad omnes Sanctos ibidem.
In Metrop: Prag: Ecclesia fundavit o-
cto Musicos, *qui diebus ferialibus scho-
las PP. Soc: frequentare, & ad sacros or-
dines, sive quò ipsos boni mores & pietas
vocaverint, promoveri possint.* Funda-
vit etiam Anniversarium & missæ sa-
crificia per annum perpetuò celebra-
da: de ipsius relictâ substantia Ecclesia
Metrop: Prag: habet quatuordecim
millia & quingentos florenos, ex qui-
bus fundati ab ipso musici solvuntur;
residuis currentibus censibus, Fabrica
Ecclesiæ & alij Ecclesiæ Ministri ac
pauperes gaudent. Ex memorata-
rum foundationum, & Ecclesiæ pecuni-
js, Capitulum, pro meliori illarum se-
curitate, emit bonum, *superius Lessan
& Brezan nuncupatum.*

Atque

Atque hæc attigisse sufficiat: ad S. Joannem Nepomuc: revertor, hic factus sæpe memoratæ sanctæ Ecclesiæ Metrop: Canonicus & Ecclesiastes, vitam integerrimam & verè Apostolicam vixit, atque Verbum Domini fortiter prædicavit, Vir potens opere & sermone, Doctrinæ quoddam Oraculum, ac virtutum Exemplar habebatur, eo docente & ducente populus, non tam passibus quàm volatibus, ad summum virtutum apicem ferebatur. *Hunc* Regina & Imperatrix Joanna in Arbitrum conscientiæ seu Confessarium delegit ibatque sub eo de virtute in virtutem: è contra Maritus illius Wenceslaus Rex IV. Caroli IV. degener filius, se ipso pejor evadebat, ac in omne libidinis & crudelitatis scelus, sceleratus præceps ruebat.

Ipsam optima Imperatrix, salutaribus precibus & monitis ad meliorem frugem reducere conabatur, propterea summum odium incurrit apud ipsum quærebatque magicis philtis infasci-

natus Tyrannus innocentem Imperatricem, mortis ream invenire, in eamque sævire.

Et quia ipsius omnium Arcanorum unicum Arbitrum *Joannem*, Rex noverrat, ex illo rescire volebat, unde deinde Reginam morti traderet, aut in ipsam sævire posset.

Itaque die S. Sigismundi M. An: D. 1383. Joannem ad se vocat, & ad revelanda Confessionis sacrosancta secreta sacrilegè sollicitat. Sed *Joannes*, licet etiam *vox clamantis* fuerit, nihil tamen minùs, quàm hic clamare, novit; co-luit desertum in aula, ut nec Regi quæ-situs responderet, à secretis Reginae Cancellarius, cancellos non est trans-gressus sacramenti: in vîta difficillimû esse tacere, quæ dicenda non sunt, dicit Aristoteles. Silentiarius Joannes nus-piam rectiùs locutus est, quàm dum ordinatè tacuit.

Sed Regis præceps cupiditas, sumptô à violentia consiliô, tormentis arietat obfitmatum viri pectus: dum preces corru-

corruerunt; ideo Confessarium, in ultimum carcerem detrudit, & squalore, loci horrore, tristissimis tenebris, & fame sitique penè enecat, ac dein in catasta crudelissimè extendi nec non admotus facibus torqueri facit, adstans Tyrannus Rex, se auditurum sperabat quæ nuspiã audire ex Joanne potuerat; sed spes illum fefellit, Joannes enim velut Marpesia cautes constans, silentiò vias cordis, ut *non delinqueret in lingua sua*, nec ulla clavis tormentorum, cordis Nepomuceni fores potuit aperire;

Sic delusus Tyrannus abit furibundus, carnifices toti lassì, ex catasta Joannem deponunt, & Regem quasi nihil mali egissent, sequuntur. Joannes verò cœlesti consolatione recreatus, & cœlitus vulneribus, quæ ipsi tormenta fecerant, sanatis, quasi nihil unquam passus fuisset, ad suam stationem revertitur, maximòque spiritûs ardore Ministerium implet, non multò post, pro concione usus scripturæ verbis *modicum videbitis me, jam non multa loquar*

vobis. spiritu prophetico martyrium suum, factaque semel oraculis viâ, defluentibus ubertim lacrymis, hæresim ab inferis in Regnum Bohemiæ inferendam, clades, calamitates, excidia, & vix non interitum Catholicorum; demum omnium pessima quæque prout postea evenerunt, prædicebat; sicque omnibus cùm ad stuporem & admirationem in re tam nova, magno Auditorum luctu valedixisset, peregrinatus est Vetero-Boleslaviam ad antiquissimam totius Boëmiæ à miraculis clarissimam Beatissimæ Virginis Effigiem, quam Slavicæ gentis Apostoli, Cyrillus & Methodius ex Oriente in Boëmiam intulerunt, & S. Wenceslaus, quoad vixit, specialiter voluit.

Huic Thaumaturgæ V. M. se, & suum in spiritu prævisum Agonem devotissimè commendavit, inde, horis vespertinis Pragam redeuntem, Rex, jam dæmonem spirans, sibi è vestigio per carnifices sisti facit, & irâ præcipiti, ait
Sacerdos, moriendum tibi est, nisi jam statim

rim hìc conjugis meae confessionem, & quidquid illa tibi unquam confitens dixit, ordine exponas, juro D E U M, aquam bibes ! restitit constantissimè constantissimus J O A N N E S Tyranni impietati, paratus millies mori, quàm vel in minimo peccare: propterea Tyrannus eadem nocte, id est Anno Domini 1383. die Maij in pervigilio Ascensionis Domini Joannem ex Ponte Pragensi per carnifices curat in flumen Moldavam præcipitari; ubi modò super columna S. Martyris Effigies aliquot millium, ex auricalcho virilis staturæ artificiosè & pretiosè collocata à prætereuntibus devotè colitur, ad fluvium Moldavam damnatus est, homo minimè loquax, qui in fundo animi demersit Arcana, infundum demersus est aquarum, Divinus Harpocrates. Reverentiam quam non habuit Sacerdos apud Regem, hanc apud pisces invenit Martyr; vocales illi, ad innocentiam Joannis per naturæ injuriam, flammæ ciaculantur, quibus & Principis ple-

C 5

stant

scij Aulici , & satellites , carnifices denique , totam seriem facti ordine exposuerunt.

Prælati & Canónici ubi super facto informati fuerunt , adornata supplicatione, Martyris S. Corpus, levârunt, & ad proximam Religiosorum de pœnitentia Ecclesiam S. Crucis, tantisper deposuerunt, dum gloriosius sepulchrum in illorum Metropolitana Ecclesia pararetur.

Non fuit hæc fraterna pietas absque præmio : dum enim tumulum (in quo S. Corpus usque modò inviolatum requiescit) effodiunt , Thesaurum , & multa auri argentique talenta & aliarum rerum pretia, reperiunt. dum hæc aguntur, innumera vis hominum ad depositum Martyris corpus , turmatim affluebat ; quæ non cessavit, illius constantiam laudare , fortitudinem deprædicare, manus pedesque , osculari , corpus reverenter attingere, *Beatum, Sanctum, Martyrem* appellare , invocare, atque ipsius precibus sese comendare.

rationem cum ostenderetur, ægri plurimi, contactu sacri corporis, sunt sanati. humatum demùm est cum lacrymis, pauperes præcipuè, quorum erat Pater, planxerunt : grandis lapis superinjectus cum inscriptione usque modò legibili:

Honorabilis Dominus Magister Joannes Nepomucenus, hujus Ecclesiæ Canonicus, Regina Confessarius, quia sacrosancti Confessionis sigilli Custos usque ad mortem fuit, à Wenceslao IV. Bohemiæ Rege, Caroli IV. filio, tormentis tentatus, ex ponte in Moldavam præcipitatus, miraculis clarus, hic jacet sepultus. A. 1383.

Et si hujus B. Viri memoria neque sacrificiò, neque Divinò officiò (quod absque sedis Apostolicæ Authoritate fieri nequit) honoretur, reliqua tamen omnia quibus sancti coluntur adhuc Tumulum adhibentur: itaque, quoties ad salutandos sanctos Bohemiæ Patronos, Cyrillum Methudium, Vitum, Wenceslaum, Adalbertum, Sigismundum, Georgium, Procopium, Cosmam & Damianum, Benedictum cum Fra-

tribus, Joanne, Mattheo, Isaac, atque
Christino; Norbertum, Iosephum, Lud-
mulum in Metropolitanam Ecclesiam,
Proceres, Nobiles, Sacerdotes, Prælati,
Canonici, Religiosi, Matronæ, verbô
minimi maximique, conveniunt, & B.
Joannis Tumulum honorare nunquam
omittunt; hic in genua provoluti, sup-
plicant, preces ad eum fundunt, ejus-
que opem implorant: suspensæ sunt ibi-
dem Tabellæ, Latino, Bohemico, Ger-
manico idiomate orationes, exhiben-
tes, cum titulo: *ad S. Joannem Nepomu-
cenum*, eas populus devotè recitare con-
suevit. Pendent hinc atque indè, si-
cut & in alijs Ecclesijs & domibus in-
tra & extra Pragam, *B. Joannis Nepo-
muceni Imagines radiatæ*, pendent &
varia Anathemata, quorum plurima
hæresis calvinistica sustulit, & ignis ab-
sumpsit; Lampadésque multæ & pre-
tiosæ, cerea luminaria & faces, earum
quædam humani corporis magnitudi-
nem æquant, propè quotidiana devo-
torum hominum liberalitas accendit
sem-

semperq; novæ & novæ apponuntur, ab ijs præsertim, qui se ad hunc Tumulū cœleste aliquod beneficium accepisse lætantur.

Tot autem ac tanta B. Joannis interventu cœlitus sunt impetrata hîc beneficia, ut jam pridem ex ijs annotatis iustus liber fuerit confectus, adeò ut quibusdam ipsa fides & in sanctum syncerus amor, profuerit: nam, cùm alia deessent, ex sepulchrali lapide abrasum modicè pulverem valuisse ad curatos diversos morbos, læti senserunt; propterea *sanctus Joannes hic & Martyr Thaumaturgus Bohemæ, & ejus Tumulus mirabilis*, meruit nuncupari. Librum autem memoratum hæresis subtraxit.

Præcipuus verò Patronus & Tutor eorum est, qui cum infamia conflctantur, & nè aliquod eorum scelus propaletur timent; occurrit horum famæ mirabiliter, factumque non modò abscondit, sed etiam linguis hominum aliàs læsos in integrum restituit, succurrit

rit etiam ijs qui peccata sua confiteri
verecundantur, plurimi enim confessi
sunt, quòd ad hujus tumulum orantes,
senferint se audaciam quandam con-
secutos, quâ deinde omnia, audacter
in Tribunali sacro, sacerdoti aperue-
runt.

Tumulus iste, verè *Thaumaturgus*
& *Mirabilis* duplici ordine ferrearum
cratium est permunitus, non tantùm ad
majorem honorem Sancti, sed etiam nè
tam facilè temerè ab impijs calcari pos-
sit: enimverò publicum & notorium
habetur, quoties quis eum calcavit, pœ-
nam DEI & dedecus manifestum non
evitavit, hinc majorem & *honorem* &
horrorem meretur. In his cratibus le-
gitur eadem inscriptio quæ in lapide se-
pulchrali.

Supra hunc Tumulum, altum stat
Candelabrum ex Orichalco, *Candela-
brum S. Joannis* vocatur: hujus Pes ex
quo sit metallo non constat; est artifi-
ciosissimis puellorum sese implicantium
statuis plenus, is ex Salomonis templo
Hiero-

Hierosolymitano Mediolanum venit, postea capta urbe, Fridericus Barbarossa Cæsar illum Wladislao Regi donavit. Qui tandem ipsum, circa Annum 1160. in formam Candelabri adaptavit, & sepulchro S. Joannis Nepomuceni transcripsit. hoc candelabrum Serenissimus Atchi-Dux Leopoldus Ferdinandi III. Cæsaris Frater, sibi ornandum sumpsit, & statuas, SS. Boemiæ Patronorum, suo quemque in habitu (quos inter B. Joannes spectatur) itidem ex aurichalco, apponi curavit, supernè in orbem quasi in Corona stantium, gratiosò spectaculò artificiosè perfectas.

Hoc dū op⁹ sacrilegi quidā intuerentur, et aurum esse crederent, defractam S. Joannis statuam, quæ ceteris formosior videbatur, rapuêre; magnam illis sacrilegium attulit curam, quippe diu noctūque mēns intemperijis laniabatur, ut nec somnū capere, nec quietem ullam habere possent, usquedum statuam ad suum locum retulerunt, & ad sacrum

crum pœnitentiæ Tribunal advoluti rem omnem ritè confessi justam pœnitentiam egerunt : eodè modo, & alij, qui Mirabilem hunc Tumulum inhonorârunt, condignas pœnas luerunt.

Ad huuc S. Tumulum habetur gazophylacium, in quod devotus populus æra mittere consuevit, hoc sacrilegi sæpius violare, & evacuare attentabant, at irritò semper conatu : vel enim sacro quodam horrore sunt imperfecto opere repulsi, vel certò in flagranti deprehensi, & insigniter confusi, ac præter vindictam nihil aliud reportârunt.

Anno 1588 cùm Radzivilius Princeps, Regis & Reipublicæ Polonæ nomine, solennem Legationem apud Cæsarem Rudolphum II. obiret, accesserat Pragam *Magnificus* Dominus Christophorus Slucka Palatinus Vendenſis, is aliquando Metropolitanam Ecclesiam Pragensem ingressus; posteaquam omnia curiosis oculis iustrâſſet, ad sepulchrum S. Joannis adducitur, narrat *Palatino* is, qui ducebat : *Mirabilem*
hunc

hunc esse *Tumulum*; nam quisquis, illum calcâssset, eo die pœnam non effugere; risit Palatinus levem, ut putabat, sacerdotum credulitatem, & confestim pede *Tumulū* pressit: at, extemplo sibi frontem percuti & mentem turbari sensit in ea turbatione Templo egreditur, equum & Currum adducunt famuli (numerosô enim satellitiô Vir valde potens cingebatur) Equum primò petit, sistitur; ipse Dominus, quasi intemperijs ageretur, difficulter evadit in equum, at equus neque stimulo, neque hortatu ullo moveri locô potuit: cogitur igitur equo descendere & currum conscendere. Sed iterum nulla vi, quidquid agerent aurigæ, equos impellere potuerunt; denique pudore confusus Palatinus, spectante & ridente *Cæsaris aulâ*, ex arce, egregiè confusus, pedes ad hospitium redire debuit. Huic simile quid inveniet Lector in vita Vene: P. Adalberti Chanoſsky, cap. 1.

Longè gravior pœna secuta est Calvinum hominem, Wenceslaum de Raupo-

Raupowa : is à Germanis Turinno & Hoheloio, Comitib⁹, Tolsio itē, novis, tunc Boëmiæ incolis proximæ rebellio- nis fædo inceptu ac fædiore exitu mo- tæ incentor, ideóque à Friderico Pala- tino, postea Regni Boëmiæ Cancellari- us constitutus; cū aliquando in Me- tropolitana Ecclesia Anno 1619. velut in profana domo cum pluribus, inam- bularet, veniens ad S. Joannis tumu- lum, recurrit homini, de hoc, vetus tra- ditio, sed hanc tanquam Catholicorum stultitiam deridens, Tumulum quem parte una dejectis cratibus pervium fe- cerunt hæretici, contemptibiliter cal- cat, dum postea templō egreditur, in ipso limine, anhelans famulus, ad Do- minum accurrit cum tristi nuntio, fili- um, quem habebat unicum, modò, eo- dem nempe temporis articulo, quò S. Joannem dehonoravit, esse mortuum; ipsemet postmodum Raupowa, dum in rabiem ætus homines strictō ferrō insectatus est, miserè perijt. ità nimi- rum DEUS contemptum servi sui vin- dicavit.

In il-

In illo, quod modò dixeram, hæreticorum regno, post An. 1619. cùm Calviniani Ecclesiæ Metropolitanæ Pragensis partem posteriorem occupassent, habebant præ oculis SS. Patronorum Bohemiæ Corpora, & ferebant placidè, unius B. Joannis tumulum videre non poterant; sed locum insigniter tutatus est: neque modò, crates circa Tumulum tollere, sed ipsum S. Martyris Corpus exhumare & in communem locum abjicere constituunt; vix sacrilegium tentârant, ùt crates ferreas convellere cœperant, cùm, ecce duo subitò in terram corruunt, alter semianimis ægre vitam, nec nisi dum culpam agnovisset suam, recepit; alter, qui erat Epheborum Friderici Præceptor, natione Anglicus, exanimis penè & vix spirans è templo, sociorum manibus elatus, miserabiliter interiit; cæteri omnes, periculò & damnò cautiores opus imperfectum reliquerunt, Tragica res hæc quæ accidit post Dom. 4. Adventûs feriâ, 2dâ, die 23. Decembris, paucis post rem gestam

Itam annis, jussu Ferdinandi II. & Ernesti ab Harrach Archi-Episcopi Prag: ante B. Joannis Nepomuc: sepulchrum reffellato opere, pereleganter, in ligno expressa, hodièque cum Perègrinorum admiratione spectatur.

Recenset, præter alios, hoc triste miraculum Carolus Caraffa, sub id tempus, aut non multò pòst apud Ferd. II. Nuntius Apostolicus, ac demum Cardinalis, qui in suis commentarijs de Germania restaurata parte I. inter alia memoratu dignissima, etiam istud refert pag. 104:

Qualis fuerit status Religionis Catholica, Praga & Regni Bohemie nondum partâ victoriâ, sub dominatu Calvinistico & Lutherano, quilibet poterit cogitare. Nam Ecclesiastici honore & opibus fuerant exuti, bona Ecclesiastica adempta, Tempia, Monasteria, Altaria profanata, Parochi Catholici ejecti, intrusi haretici, Catholici Praga existentes ad abiurandam fidem Orthodoxam, damnandum sacrum Concilium Tridentinum,

num, omnia decreta Pontificum spernenda, minis fallacijs, prestigijs fuerant adacti: Ecclesia Metropolitana Mater Ecclesiarum Regni Bohemiae, die S. Andreae Anni 1619. omni cultu sacrarum imaginum spoliata, & haeticorum turpitudine fuit conspurcata, in ea nostri Vindictis è Cruce pendentis Imago Religiosissima in partes dissecta, sanctorum figura foras eiecta, confracta, & igne combusta, sanctorum Reliquiae Altaribus everfis, pedibus conculcatae, sursum deorsumq; omnia sacra distraeta fuerunt: non reticebo tamen (& hoc à pluribus fide dignis oretenus habui) quod DEUS in ipsamet tantorum sacrilegiorum impia perpetratione ad confusionem haeticorum, & confirmationem Catholicorum, clarissima suae vindictae signa monstravit, nam quendam haeticum in contemptum Catholicorum in Cathedra Ecclesiae Metropolitana saltantem in terram dejiciens, crucemque ei perfringens lucis usura privavit; Alterum etiam ejusdem farinae hominem, supra sepulchrum sancti Joannis Martyris

ris Canonici Pragensis, in contemptum Divorum saltare incipientem statim tam vehementi pedum dolore punivit, ut inde extractus, infra horam miserrimè occubuerit: sepulchri Viri sancti violatoribus Divina Nemesis mirabilem & manifestam vindictam ostendit.

Discite justitiam moniti, & non temnere Divos.

Eodem Anno, tam malè apud sepulchrum B. Joannis accepti (quàm diu Pragensi Ecclesia sunt usi;) Tumulum ipsum totum præstigias, nescio quâs, in ipso latere causati, asseribus & tabulis quibusdam clausêre hæretici, nè ullô modô posset adiri, obturbare illos, dum ad cœnam sedent in templo, B. Joannes videbatur, & velut mortualis umbra, odiosus, & non vocatus intervenire convivij. Porro Ecclesiæ Metropolitanæ profanationem, & stantem in loco sancto abominationem ex vero suo tumulo B. Joannes significabat, siquidem imminente illa ab hæreticis calamitate sæpius noctu gemitus & lacrymæ

crymosæ quædam voces ab imo templi audiebantur. Custodes, gemitus istos studiosè secuti animadverterunt non semel ex, tumulo B. Joannis exire: nimirum dolebat (quantum Beati dolere possunt) dilectam Ecclesiam tot sacrilegijs profanadam, quæ ex quo à S Wenceslao erat fundata, & ab ipso met Christo Domino consecrata (nè quidem Hussi aut postea Rokiczanae temporibus) hæreticorum sacris inquinata fuisset.

Sed plures sacri illius tumuli prærogativæ possunt adferri: nam alijs quoque temporibus Ecclesiæ Metropolitanae excubitores, amabili luce cingi & coruscare Tumulum, aliaque ad ipsum plurima mira miranda fieri viderunt; quare populi in eum veneratio ita crevit, ut tametsi à sede Apostolica (cujus solius est de vera Viri hujus sanctitate finè periculo erroris decernere, nulla accesserit Autoritas, tantæque ab hæresi plusquam per tria sæcula intercurrerint in Bohemia tenebræ, pro *sancto* ta-

men & vero *Martyre* sit semper habitus cultu publico.

Ferdinandus I. Imperator quoties Metrop: Prag: Ecclesiam adibat, antetumulum S. Joannis genua ponebat idem faciebat Ferd: II. & III. postremus hic cum Ernesto Cardinale ab Harrach, sæpiùs de S. Joannis canonisino procurando consilium habuit, sed piam Optimi Cæsaris mentem, bella primùm, deinde mors abrupit. Rudolphus II. Imp. quodocunq; ad Ecclesiam venit, sex, quandoq; etiam plures de cera candelas adhunc tumulum accendebat, & preces fundebat Imagines æri incisæ habentur in manibus, in his, Joanni, Titulus tribuitur, *Beati, Sancti, Martyris*, & capitis apex ardet cœlesti lumine circumfusus.

In sacrario, S. Ecclesiæ Metropolitaneæ, Ara quædam est, super eam depictæ Imagines SS. Patronorum, pictura centum octoginta annos excedit, inter has sanctorum Imagines, Joannes Nepomucenus, stans, palmam tenet manibus, & caput habet radijs illustre, neve quis

ve quis dubitet, quem artifex depinxerit, & Capitulares depingi fecerint, additus est, trabalibus literis titulus antiquissima manu *S. Joannes Nepomucenus* Similis pictura, adhuc ante annum in Ecclesia S. Georgij sanctimonialium sancti Benedicti in Castro Pragensi spectabatur, quæ in nupera renovatione Ecclesiæ, calce est obducta.

Ex antiquis scriptorum monumentis etiam colligitur, quod continuè à tempore sui obitus Joannes hic etiam ab ipsis Loci Ordinarijs & Cardinalibus titulum habuerit *Beati, Sancti, Martyris*;

S. Joannes Nepomuc: in Capella S. Clementis Papæ & M: è regione sui sepulchri, habet ab iminemorabili tempore suo honori dicatum *Altare*, supra quod frequentissima & plurima missæ sacrificia celebrantur. Quod postquam Anno D. 1619. Iconoclastæ unà cum tota Ecclesia profanârunt, denuò illud consecravit Anno D: 1621. die 16. Julij Joannes hujus nominis III. Archiepiscopus Pragensis in honorem, ut ha-

bet Tabella , *Visitationis B. V. M. ac SS. VV. & MM. Luciae & Ottiliae , nec non S. Clementis Pontificis & M. & B. Joannis Nepomuceni.*

Nepomuci, ex ea domo, in qua Joannes natus est , Oppidanorum pietas *facellum* , B. Joannis honori , statim ab ejus morte excitavit : tradunt veteres memoriae , in ea domo neminem nocturnam quietem capere potuisse, donec ea domus in sacrarium verteretur: *facellum* hoc , vetustate labascens , totum dirui jussit , & in eodem loco , novam, eamque perelegantem Ecclesiam ejusdem *B. Joannis Honori* , exstruxit Illustrissimus Dominus Franciscus de Sternberg Nepomuci Dominus, supremus Regni Bohemiae Judex ; benedici Ecclesiam hanc curavit Ernestus ab Harrach Archi-Episcopus Prag: & Cardinalis, cum ipsemet per morbum venire & consecrare non posset, saepius deinde in ipsa missam habuit , & facta approbavit.

In Altari summo hujus Templi B. Joannis imago radiata à summo Pictore, Scretâ, picta colitur, frequentatur multis supplicationibus, Parochi, à multis passuum millibus, prout ante hac, à tempore immemorabili fiebat, etiamnum ad hanc Ecclesiam certò die populum adducunt, sacra, de SS. Trinitate, sed conciones de S. Joanne Nepomuceno habentur.

Circa Aram spectantur appensa Anathemata plurima: fatentur diversi, se ejus meritis varia beneficia cœlitus impetrâsse. Pro comperto est, si campi illorum siccitate laborant, supplicatione unâ alterâve ad hanc Ecclesiam ductâ, pluviam impetrari.

In Peste, quæ Bohemiam An: 1649. pervagata est, & gravissimè afflixit, omnes, qui sese, Nepomuci, B. Joanni commendârant, periculo sunt erepti. alibi quoque per Boëmiam crescit indies magis magisque honor & cultus B. Joannis.

Et quamvis imperiti quidam, & in

religione nimium timidi cautiſque, Religionis prætextu, cultum B. Joannis impedire aliquando tentârint, populus tamen de constantia juſtæ pietatis, amoveri non potuit: de ejuſmodi vetuſta Religione & cultu Beatorum antiquo, optimè dixit Vir in geſtis Divorum deſcribendis diligentiffimus, & rerum talium peritiſſimus, Godefridus Henſchenius, *Venerationi Divorum*, inquit, *à tempore, memoriam unius ſæculi, excedente Urbanus VIII. Pontifex nihil voluit derogatum prout idipſum Ipſemet declaravit Pontifex, Ss. 4. inquit: declarantes, quòd per ſuperſcripta (nè inducantur novi cultus Beatorum vel Sanctorum) præjudicare in aliquo non volumus ijs, qui, aut per communem Eccleſiæ conſenſum, vel immemorabilem temporis uſum, aut per Patrum virorumque Ss. ſcripta, vel longiſſimi Temporis ſcientiâ ac tolerantiâ ſedis Apoſtolica, vel Ordinarij, coluntur.*

Eapropter cùm per immemorabilem temporis uſum, & longiſſimi temporis

ris

ris scientiâ ac tolerantia, imò & approbationem Ordinarij, *sanctus Hic Ioannes Nepomucenus*, pro *Sancto*, & *vero Martyre* publico cultu colatur, apparet, Bullam Urbani VIII. huic cultui minime refragari. Noverunt id Nuntij Apostolici, inter quos relatus est Carolus Caraffa, Cardinales itèm Cleselius Episcop: Vienn: Franciscus à Dietrichstein, Cardinalis & Episcopus Olomuc: Ernestus Cardinalis ab Harrach, Archi-Episcopus Prag: Carolus Frater Wladislai Regis Poloniæ, Episcopus Wratislaviensis, & plurimi alij: Hi omnes & plurimi alij etiam post emanatam dictam Bullam Urbani VIII. *Joannem Nepomucenum* tanquam verè *sanctum Martyrem* devotè coluerunt.

Et revera, observatione dignum videtur, quòd, tametsi à Sede Apostolica (cujus solius est, de vera viri hujus sanctitate sine periculo erroris decernere, nulla accesserit expressa Autoritas, tantæque per tria sæcula & amplius ab hæresi, intercurrerint in Bohemia te-

nebræ, hic tamen cultus publicus, & continuus nuspiam fuerit interruptus.

Matrona Illustris (nomini illius parcitur) cùm aliquando de Sanctis in *sanctâ Metropolitana Ecclesia* conditis mentio fieret, & aliquis domesticorum, *B. Joannem Nepomucenum* nominasset, illa indignans superciliò sublatò, *quem*, inquit, tu mihi *B. Joannem Nepomucenum* nominas? nihil de illo Roma scit! colitur ille perperam à rudibus, neque venerationem hanc meretur: nam si sanctus esset, pridem eum Pontifices in Sanctorum numerum retulissent. Post dies aliquot, eadem matrona, cùm in Templo nihil jam de B. Joanne cogitans, orat, reperit in libello suo B. Joannis Effigiem capite radiato, in habitu Canonicali venustissimã, quam antè nunquam viderat: paulò pòst cùm in scriniolo suo aliquid quærir, alia item ejusdem Beati Effigies quasi sponte venit in manum; ea res, ità tenerum Matronæ animum vulneravit, ut statim in lacrymas soluta, *B. Joannem Nepomuce-*

mucenum inclamaret: die altero ad Metropolitānam Ecclesiam profecta, confessione peccatorum præmissa, Divinam Eucharistiam sumpsit, & sepulchro B. Joannis advoluta, audaciæ veniam postulavit.

Religiosus quidam in disceptatione cum socio, negabat ritè fieri, quòd B. Joannes à populo coleretur; addebat cum stomacho quodam, malè agere eos qui, cùm facilè possent, cultum hominis non impedirent: eadem die, insolito artuum tremore concutitur, & in morbum incidit, neque dolor, neque tremor cessavit, donec æger, B. Joannem, contritus deprecatus esset, honorâssēque: rem, ut erat gelta, Vir Religiosus ipse, ad perpetuam rei memoriam, scripto testimoniò consignavit.

Brevitatis causâ, plurima similia exempla prætereo; unde apparet, quàm periculosum sit Cultum Divi Joannis controvertere, cujus *Testimonia*

credibilia facta sunt
nimis.

Sequi.

Sequitur Oratio quàm ab immemorable tempore populus orare consuevit & diverso idiomate, impressam habet.

SANCTE Joannes Martyr ac Patrone, Nepomuci in Regno Bohemiæ oriunde, Templi S. Viti, in Arce Pragensi Canonice, eò quòd ad instantiam Wenceslai IV. Regis (ulcisci se de Conjuge, sæpe illum de vitæ corrigenda monente, volentis) ante & post torturam, Confessionem Augustæ propagare recusasti, in flumen Moldavam, ex ponte præcipitatus, à luminibus noctu, supra flumen, ubi corpus tuum jacuit, apparentibus, certissimis tuæ innocentiae & sanctitatis testibus, ostensus, solenniter ab universo clero ac populo, ad Cathedrale Templum deportatus fuisti, ubi usque hodie qui tuum sepulchrum dehonorant, vulgi infamiam effugere non solent.

solent. Tu ergo admirandam, 58
inauditam, ac sempiternam me-
moriā secreti Exomologeseos,
post te reliquisti, per hæc tua me-
rita & dona divinitus tibi con-
cessa, precamur suppliciter ac fi-
ducialiter, ut ira ejus conquiescat,
peccatorum pœnas, uti, pestem,
bellum, famem aliasque, tam
corporis, quàm animæ plagas cle-
menter avertat, & ut nos ante
obitum confiteri, pro peccatis sa-
tisfacere, omne periculum & sæ-
culi dedecus, hominum scanda-
lum effugere, DEO placere, ad-
hærere, vitam laudabiliter con-
cludere, & ad vitam æternam per-
venire possimus. Per Christum
Dominum nostrum, Amen.

Alia brevior.

OMNIPOTENS & misericors
DEUS, concede propitius,
ut qui in merita Divi J O A N N I S
NEPO-

NEPOMUCENI confidimus,
ejus potenti intercessione, ex o-
mni infamia & confusione pu-
blica, tam temporali quàm æter-
na, hujus & alterius vitæ, & vel
maximè, ex imminente tali NN.
per pijsissimam misericordiã tuam
eruemur: Per Dominum nostrum
Jesum Christum Filium tuum, qui
nos redemit, per infamem mor-
tem crucis, & qui tecum gloriosus
vivit & regnat in unitate Spiritûs
sancti, Consolatoris mœstorum,
DEUS, nunc & in æternum
Amen.

A.M.D.G.

ET

S. JOANNIS NEPOMUCENI
honorem.